

պիսով տեղի է ունենում հասարակաց ճաշկերոյթը. ուտում, խմում են ուրախ և իրենց սիրելիներէ կենացը կոնծում: Ճաշկերոյթի միջոցին սիրելի խնամիներն իրար յարգում են ու մեծարում՝ պէսպէս ուտելիքներէ և խմելիքներէ անուշահամ նմուշներով: Ո՛վ որ նշանած հարս ունի, աղայի հայրը իւր հարսնացուի ծնողներին է յարգում՝ պէսպէս ուտելիքներով լիքը սկուտեղ *) ուղարկելով, իսկ հարսնացուի ծնողներն էլ իրենց խնամուն ևն յարգում ու մեծարում՝ իրենց սեղանի վրայի գտնուած նոյնպիսի բարիքներով: Ուրախ ճաշկերոյթի ժամանակ յանկարծ հրացանի պայթիւն է լսոււմ, որին հետևում է երկրորդը, երրորդը... Տեսնում էք, որ գիւղական նոր պըսակուած երիտասարդներն ու նշանուած պատանիները՝ հէնց նստած տեղից նշան են դնում հաստարուն կաղնու ամենաբարձր ճիւղին և ամենքը իրենց հրացանի փողն ուղղում են դէպի այդ ճիւղը: Ոմանց գնդակը վրիպում է, սմանցը միայն նորածիլ ոստերն է թոցնում, ոմանցը՝ միայն կեղեն է լսաղում ու անցնում, իսկ ոմանցը ուղիղ ճիւղին է դիպչում և մատաղահաս տերևներով ճիւղն օքօրուելով օդի մէջ, ընկնում է վայր, նոյն իսկ հացկերոյթի սփռոցի վրայ: Այսպիսի քաջ և վարժ հրացանաձիգ երիտասարդներին ամեն կողմից ուխտաւորները ցնծազին աղաղակներով գովում ու փառաբանում են և գի-

*) Այսպիսի սկուտեղին տեղացիք ասում են խօսիչայ: